

敬

一

堂

詩

鈔

顧文端公敬一堂遺詩既鐫

然興曰立意靜以正措語莊以和此其爲大人
之言也從來奏膚功者不必原於道德而理學
自任之人試之疆場又未必能發機決策而建
蕩平綏靖之烈緬維宋之韓魏公范文正公鈞
以大儒之學成不世出之功而其文辭亦足以
傳世而行遠蓋有德有功而又能立言以垂諸
不朽也文端公闡濂洛關閩之學於易理尤爲
純粹以精朝野共以理學目之及奉

命討逆解圍困禽僞將平梧城收兩粵下滇南人所
張皇急遽以應之者公獨坦坦施施行所無事
而悉豫籌於參贊經畫之餘暨功成還朝謙沖
不居輔導

青宮爲

帝者師年老懸車優游林壑

三朝一德以功名終視韓范二公之遭遇堪媲美焉
則夫見之文章者固文端公之餘事而有韻之
語不尤爲餘事之餘也耶然韓范二公俱有詩

集垂於後世今文端公之詩五言古神會六朝
擬古諸作尤卓然獨絕七言古沈雄頓挫入盛
唐室近體工整流利含蓄三唐初不必雕鏤於
繡於詞句律令之間而理之足者氣斯昌焉自
無不應節赴之而一一諧乎正聲也洵乎其爲
大人之言也予與公孫混同公同任封疆同司
行水其行藏謀畫如水乳合深佩混同公之能
述祖德而公之以三不朽裕後昆者所重匪言
而言亦自足以傳世而行遠也詩云文武吉甫

敬一堂詩鈔序

二

萬邦爲憲文端公有焉又云其詩孔碩其風肆
好文端公之詩有焉長白高斌拜撰

宇宙光岳之氣特萃於股肱心膂之元臣其學問之粹精在天根月窟之微勲業之瑰瑋在鐘鼎旂常之大而其文章之黼黻治平又兼有春華秋實之美是三者皆足以不朽也吾於顧文端公見之公嘗有敬一堂詩行世文孫制府用方公志在述祖重刊而屬序之嘗讀

皇朝

所纂八旗通志文端公首列儒林其學邃於易人皆以理學推之比於湯文正陸清獻兩公洵不虛也及乎奉

詔討逆平梧城收兩粵下滇南倡率熊羆之士樽俎折衝攬槍頓掃將畧何神也夫武足戡亂文致太平每以兼有之為難惟公精神心術與洙泗洛閩相憑依故能措百務而不勞其既也功成不居優游泉石昔賢所謂百官萬民兵革百萬之衆疏水曲肱樂在其中者是也昔者方叔召虎克宣壯猷周文公召穆公尹吉甫之屬作風雅頌於成康之世蓋周之盛也鍾靈於河嶽炳耀於日星而國家隆平之運至此為極盛自

是而降天之鍾聚不厚則伊人不生識者於此
覘氣運焉由是而思公之蘊蓄深其意逢尤盛
為不可及也公之詩溫厚和平有典有則不
雕績掇拾而性情肫摯動叶三唐之正聲名公
鉅卿皆珍重而傳播之啟豐後生末學未克數
陳德業而讀公詩想見其為人且見文孫卓犖
之槩篤棐之誠足以光前業繩祖武尤不禁敬
愛嚮往也已長洲後學彭啟豐序

我

朝理學名臣於中州推湯文正公於浙中推陸清
獻公而於從龍之佐則以顧文端公為巨擘
文正公誠至動物厚德化民清獻公矢志不欺
功存獻替而文端公不言躬行文效贊襄武定
亂略功業各有不同而其有得於講學明理之
餘者心源之一所謂若合符節者也文正公有
湯子遺書文為主而詩附焉清獻公文集詩亦
略見今文端公文與詩分集而敬一堂詩先梓

敬一堂詩鈔

後序

行世燭嘗拜手莊誦自猷猷砥志友朋酬答以
及屢膺

皇命討平畔逆功收兩粵滇南之間位居弼亮豫教
之列其後

予告歸田逍遙泉石一一見之於詩事

君之忠蓋提躬之正直居心之慎密語言辭氣之溫
厚和平幾如饑渴之於飲食欲斯須暫釋而不
得者是公之德業固不待文辭而顯公之文辭
亦不待韻語而傳然讀其詩溫溫如見其人知

皆本於躬行心得而流溢爲詩者也洵乎其爲
德人之言也公之功業奏疏應在名臣傳中公
之理學應在儒林傳中與湯陸二公初無輕重
者初非末學所能窺測也惟是讀公之詩心焉
嚮往昔人所謂挂名文字之末有餘耀者願竊
附一辭於後以志仰鑽不逮之意云門下晚學
生何燭敬識

叔孫穆子之答范匄也以立德立功立言爲三
不朽而世祿不與焉此千古不易之論也夫立
言誠難矣然立言而不本於德與功譬之潢
而斷其水源春華而不歸秋實猶非金石同壽
之質也惟本德與功而後流而爲言則天下後
世之誦其言者不得第以文苑之士目之如顧
文端公斯其人也文端公精深易理究晰天人
生平以誠爲本以恕爲用而統攝以主敬之功
故於倫常日用不必求異於人而與之相際者

敬一堂詩鈔

後序

一

見其事事中乎自然之節其德立矣及出而致
主在外則禽猛擊於行間平畔逆於荒遠在內則凜
在公於夙夜勤輔導於

青宮前則爲弼亮之佐後則爲

帝者之師其功立矣此則無文采表見猶爲澄源端
本傳世行遠之人今流於旣溢發爲詞華即韻
語一端古體則深醇朴茂近體則工整流逸凡
章句之徒極追摹鏤刻而未能深造老公則行
所無事以赴之而性情之忠愛心術之光明輔

理之勤勞設施之條理一一流露於此與數陳
之間是公而有言即言其德與功之昭著而公
亦有所不自知者也洵可謂不朽之全人也已
公之孫制府公其功德與言之焯焯者素稱述
祖照備蒙禮接且爲公長孫傳因得讀文端公
詩文於授梓時與校讐之末挂名集後有餘榮
焉因述叔孫氏之言抑以言之本於功德者發
叔孫氏所未及諒亦不甚謬於古人而世之斷
斷於文藻者可以反而求其本也爰拜手而書

蔚一堂詩鈔

後序

二

於其後乾隆庚午仲春海陽後學翁照敬識

敬一堂詩鈔目錄

卷一

五言古詩五十四首

卷二

七言古詩二十五首

卷三

五言律詩三十七首

卷四

五言律詩三十五首

卷五

五言律詩三十六首

卷六

五言律詩四十八首

卷七

七言律詩一十九首

卷八

七言律詩三十七首

卷九

七言律詩二十九首

卷十

七言律詩四十一首

卷十一

七言律詩五十五首

卷十二

七言律詩四十六首

卷十三

五言排律二十八首

卷十四

七言排律三十五首

卷十五

五言絕句三十九首

卷十六

七言絕句八十一首

敬一堂詩鈔目錄

敬一堂詩鈔卷一

混同顧八代文起著

長白鄂爾泰西林輯

五言古詩

擬古

萬物何所根大道本無極一自天地分生民獨
貴德庖羲畫陰陽神農教稼穡耨耕者豈不苦未
復惜餘力誰能寒不衣誰能飢不食所以唐虞
世惟貴耕與織由來稱四民重農輕貨殖君子

雖或愚小人焉能直天地有晦明日月有薄蝕
豈謂人心危悅人不如色人誰鑒吾誠日暮空
歎息

其二

嘉樹植中庭上有雙栖鳥朝去暮還來嗚嗚解
昏曉鷹隼下晴空驚飛雛墜草回顧黃口兒豈
足青鷹飽哀鳴向我飛如求代爲保人爲萬物
靈知幾苦不早何如巢上禽所託良爲寶

其三

冬嶺衆草枯孤松挺寒日
矯首望隴雲低頭憐
水石水凝漸成冰石隱如沙磧
鳳鳥不來儀青
桐空落實漢廣而無梁山高日易夕
美人隔天
涯遲暮空歎息

其四

晚中有幽蘭香氣令人悅悅此澹忘歸
憂思心
惓惓紉佩寄所思千里莫致之
歲歲發秋芬還
似別離時高雲渺無跡香風空復吹

擬古十二首用陸士衡原韻

擬行行重行行

行行復遠別相對意何深未知明日事安足念
徽音道遠別已久積憂日以沉豺狼驅原野魑
魅嘯空林荆枳無行跡大道安可尋迴風吹山
木四顧無人音觸目罕所見何以慰我心已白
鏡中髮日寬遊子衿知音難再遇從此碎鳴琴
擬今日良宴會

今朝風日佳芳樽置高館四座會佳賓徽絃聊
可彈共有捧日心何時懸霄漢浩氣凌長空錨

銖奚足算明珠豈爲寶天錦終朽爛人生當行
樂無時不清晏月出朝復昏日升宵已旦以此
寄餘生休論貴與賤

擬迢迢牽牛星

明河旣無梁牽牛安能步遙遙萬古情隔水空
相顧天上與人間良難見積素因之感離懷長
恐歲時暮視彼河無波焉知度不度還當慕榮
光何用涕如露

擬涉江采芙蓉

采采涉江渚芙蓉與蕙蘭誰謂花顏好憂心那
得歡美人在天末道遠寄良難筐盈奚所用棄
擲一長歎

擬青青河畔草

春草綠且鮮託根河之側映彼水中石疑有織
女織憐此草萋萋青與天一色水深有遊魚天
高有飛翼人生難遂情臨流空太息

擬明月何皎皎

皎潔映窗明玩月出戶牖分明水中輪掬之不

在手仰看月在天
流暉照池柳微空
色澄鮮持盈良難
久何如同璞玉韜
光常自守

擬蘭若生朝陽

朝暉映蘭若莖影
似長條顏色正佳
麗不采將恐凋曉
露空自湛美人隔
雲霄願以寄芬芳
悠悠隨遠颺日暮
行路者車乘何翹
翹

擬青青陵上柏

高陵青蒼柏栖鳥
迷翠翰枝拂青雲
日影汎洛水瀾人
生處塵世感此良
難歡何況驅車馬
終

歲不得安偶遇采薪者聊與坐盤桓布衣豈不
暖奚用冕與冠潔身託芬芳長當紉畹蘭以此
見情愔高步自軒軒慷慨世間事何以苦長歎

擬東城一何高

高城面朝陽凌霄勢崔嵬振衣眺東野迴風百
草衰徘徊情未已白日忽西頽回首復東顧海
月忽騰輝吟嘯愛清景莫使寸心違涼秋何所
有幽菊獨歲蕤不聞鳥啼夜但聞林木悲浮雲
生遠意流水憶金徽嘒嘒天際雁靜夜鳴且飛

念彼薰葭冷伊人在水湄

擬西北有高樓

高樓處乾地况乃近長安巍巍百餘尺對峙東南
端城闕皆俯視軒窗靜且閑願以託香風吹
送晚中蘭誰爲知音遠瑤琴不再彈盈盈聊四
顧逶迤一長歎雲山遙間隔安得有飛翰

擬庭中有奇樹

奇樹生中庭聊以對絃徽習習枝上鳥夜止晨
還飛草木應時發何待美人歸芬芳隨風至良

或慰我懷日暮倚庭樹憂心乃告誰

擬明月皎夜光

月色宜靜夜凝輝皎且明勾陳東北歛銀河西
南傾輪映堦前樹流影入戶庭四壁如白晝牀
下蟋蟀鳴照輝無遠近咫尺至杳冥繼日光偏
徹鑒彼萬物情西山啣半景猶照樓前楹

阡陌行

春來耕阡陌柳綠我頭白頭白復何傷濟世獨
無策鋤草誤鋤苗中心忽不懌矯首望飛鴻日

暮安所適

雜擬

挾瑟辭朱門煉氣歸石室
瞑目視丹田寧貴照
乘壁天寒衆草枯青松有春色
笑彼東村翁炙
背愛冬日忽聽雲中聲
望見雙飛翼我心非磐
石安能終不易

其二

門前有雙樹朱李與天桃
惜花坐春夕酌酒繼
蘭膏嗟彼輕夸子宵征
豈不勞獵犬食梁肉黎

敬一堂詩鈔

卷一

五言古詩

六

民歛穉糟處順如秦楚救厄若同胞轉面不相
識雨意各雲霄尋木因澗小寸草借山高桃李
花落後比之若蓬蒿

盤江待戰偽將軍吳世琮兵敗績

蒙馬以虎皮突然犯陳蔡曳柴揚車塵轉擊子
王敗今寇十萬騶渡江乃沉舟鎮南方卧病兵
符付叅謀寶刀遂暫佩計決兩軍對謾言賊陳
奇背水豈可再命卒搖長旌敵後起伏兵突陣
擒左將其中尚從橫燃炮破其壘旗亂主將死

敗北不須追殘軍
溺江水涉江取其營餘孽不
須阮工役散爲僕聊以全其生

邕州

人與人相戰操勝亦難必渠魁雖敗歸尚多餘
散賊十萬拒堅城況乃饒矢石無謀若進攻恐
墮已成績披圖考地形嚮道訪踪跡兵從路逕
駟勝自機宜得動旅發橫州繞過鬱江脊諾謙
與新村二地歸我域敗兵竟不防乘虛一轉擊
漢土一百餘城傳檄盡恢復嗟哉迫脅民身屍慘

陵積流血助溪聲溪聲動悲咽仁人不忍聞仰
天三歎息

橫城

出師討逆吳誠爲不得已吁嗟彼蒸黎苦極於
骨髓寒徹轉陽春天時豈長否帷幄勞運籌我
軍行萬里所過獻壺漿士民無不喜賊將多敗
績平滇自粵始承蔭兩被擒世琮一戰死所向
無強敵恢復即在通報捷不言功仰慰

聖天子

雜興

銷憂聊暇日
紉蘭有芬芳
臨池採芰荷
乃爲衣
與裳晨風拂
征袖驅車上
河梁原野歷
草莽縱目觀
四荒飲馬于
咸池總轡至
扶桑忽忽日
將暮岐路獨
徬徨

擬古三十首用江文通原韻

擬古別離

悠悠萬里道
送君玉門關
日日出關者
不見一人還
別君池上荷
葉枯零露漙
漙飯疎長苦
飢衣

言一
金
敝長苦寒夜夜夢天涯誰爲更別離遊魚戀深淵飛鳥思故枝人心非金石安能永不移

擬李都尉陵從軍

征夫臨遠道親朋設嘉宴一聞商絃音涕泣各如霰吞聲告家廟春秋鮮誰薦深入感孤軍親友夢相見引領望鄉書不見南來雁

擬班婕妤咏扇

一扇兩面團嗟彼紉與素只能清炎熱用非驅煙霧莫怪世間情從來新勝故蟋蟀鳴秋園涼

風吹碧樹葉擲何足言思君隔遠路

擬魏文帝丕遊宴

軒車遊芳園舟楫泛清池紅蓮半欹水翠壁薜
荔披輕風飄衣帶初月映高崖流光照嘉賓珥
筆歡追隨絲管急遏雲音響何參差列坐停杯
聽中夜不知疲人生不行樂戚戚乃胡爲落月
轉庭陰晨雞鳴北林仲宣獨高步唱和寓遐心

擬陳思王植贈友

得自陶朱公珍重此雙璧持以分贈君非爲光

第宅長將一寸心結交不爲薄秋風吹園野芳
菲忽已落逍遙眺四荒褰衣憑高閣願以共清
芬尋風採蘭若佩我白玉玦何用金爲釐人生
重一言持義莫輕諾悠悠向日心嗟彼葵與藿

擬劉文學楨感遇

青青谷中松冬春不改色托根旣已深枝幹孤
且直鳴鶴從南飛棲托息其翼人生有高懷簪
筆事廢職牽牛不服車閤人辟修飾昔聞齊侯
盟曹翹要其側何況楚與秦兩心安可測

擬王侍中粲懷德

九州無寧日兵戈況滿京親朋各自馳相顧難
爲情村園生荆棘豺狼日縱橫黃塵蔽天地江
山何日清田疇失耕種牧馬食枯莖悵望心腸
斷泣涕向誰零盡言丞相德能令四海平章臺
會嘉賓珥筆與簪纓絲竹何清越終宴歸洛城
人生幾何歲富貴若浮萍感君忠義言所以士
心傾若非保漢祚安得監令名

擬稽中散康言志

放懷獨輕世滌慮遠俗塵念我竹林友韜光邁
等倫人間終有死求仙遊海濱避人食瑤草褰
衣涉巨津此心無物累隨處可凝神乾坤不足
顧雲岫只空陳不思今與古更鄙榮一身既知
天賦性安不守吾真視彼功名客華筵會嘉賓
孜孜謀榮利豈不苦與辛徘徊復何往蘇門有
仙人感彼一言贈長當書吾紳

擬阮步兵籍詠懷

籠鳥空有翼終年不能飛迴風飄落葉憑虛安

所歸人生當沉醉奚問是與非伊呂不須慕蕭
曹何足希極目天地闊豈使道心微

擬張司空華離情

秋風吹庭樹落葉滿幽墀蟋蟀鳴蘭砌明月照
空幃君子在行役青鬢各成絲別時籬邊菊清
露十度滋願言託青鳥寄我萬里思長當如明
月弦望以爲期

擬潘黃門岳述哀

空房暗如漆西山隱白日佳人思或生思情終

未畢撫棺呼不應落木聲蕭瑟仰天欲斷腸含
悲寧止一招魂不見來轉覺我魂失人生若浮
萍天地空委質重泉竟若何念此不能寐不寐
夜冥冥髣髴見人形前趨復不見死去豈無靈
壁間尋遺挂展讀賦與銘涼風入窗隙吹落燭
花英默坐百愁結氣咽不能平

擬陸平原機羈宦

承命整車駕持義寧顧身披衣待明發含悲別
諸親越嶺方尋路涉水更問津行役未云苦幾

日至梁陳爵乃稱洗馬位亦列儒臣衣冠自持
敬所羨在旁人屢歎葛裘易懷鄉更畏年爆竹
鳴晝夜春風滿洛川心灰如拱木氣結若凝烟
衣冠寬日甚客子常獨憐羨彼東陵叟瓜熟意
脩然

擬左記室思詠史

黃公遊汜上張祿出關門季子空挂劒宋玉未
招魂李廣稱飛將彎弓定河源射石豈不勇封
侯未遇恩十策而無一公孫位獨尊蘇子說六

國著貂乘華軒為邦須當慎興喪在一言李思
悲黃犬徒念蔡東門何如漢陰叟抱甕灌田園

擬張黃門協苦雨

高空晝夜陰奔溜日盈渚山隱不見峰雲根環
柱礎秋蟬寂無聲車蓋行無序不見霖雨收但
聞涼颼舉轍魚可通江水鳥轉失侶樽酒思友
朋隔絕若秦楚引領望朝陽徙倚空自佇

擬劉太尉琨傷亂

四海起長鯨九州迷煙霧為國在得人山川豈

足據御天乘六龍所向如馳騫蕭何佐漢業風
雲貴所遇築臺君拜將知信獨能舉豈不願着
鞭猶爲親舊故日月豈徒逝人生豈虛度飲馬
雁門關俯視北平路屯軍先屯田種穀先種樹
懷此已有年日夜盈百慮功伐如不立何以慰
吾素安危誠在入何必泥定數

擬盧郎中謔感交

白圭當三復瑚璉乃是器子房從赤松託名辭
祿位不行千里道安能識駿匹夔桐知無數爲

琴偶在一感君金石情民厄思勉恤但趨猛虎
步焉敢計得失諸葛擒孟獲祁山乃六出欲踐
古人跡撫膺慚朽質觸目悲秋原衆木何蕭瑟
獨見陵上柏青青若自逸羨君起舞雞應不愧
名實

擬郭弘農璚遊仙

設位有尊卑爲器分玉石西日復東升循環月
盈魄人生如薤露誰能啣玉液梓宮化寶衣野
馬入空隙學仙餐瑤芝飲水咸池碧冷然御風

行三島煙霞客金丹九轉成寧知歲月迫

擬孫廷尉綽雜述

生棟終覆屋得馬非佳兆人生無百年何況壽
與天空思千秋名一身誰能了庭前孤松枝吟
風一何矯慷慨世雖多履仁古亦少馳驅輕薄
兒應怪渭濱老感此更韜光精研獨味道高步
出塵遊商山訪四皓三月不違仁談笑共披草
歸途顧漢陰抱甕原非巧行蹤世莫知海上伴

鷗鳥

擬許真君詢自序

陰陽運內機日月懸外像瞻彼乾與坤託跡隨
幽賞磐阿近蓬壺披荷獨來往雖無長生術寡
欲心自養山水有清致無日不閒敞嵐氣橫山
腰峰在白雲上喬木黃鳥鳴懸崖瀑布響有僧
訪隱居恥爲世所獎明月朦華燈夜照千山朗
非云追昔由

許由也

聊自出塵網

擬東陽仲文興矚

雲霞昏旦更山川含幽趣屬目眇鳶魚飛沉念

所遇吟風水中蘆拂霄嶺上樹碧葉吐朱花乃
知繪後素澄心却五難涉世感百務林泉偶或
求繁華非所慕逸興眺遠峰開襟滌塵慮

擬謝僕射現遊覽

興言驅駕遊衣冠朝初整縱目觀萬類吾身亦
當省朝槿無夕榮寒松青自永隨流日趨下登
峰小衆嶺剛風時振衣白日懸清景寸心以何
空孤雲以何靜日入林巖迴夜遊燭還秉見聞
多所駭蠅翼笑匠郢

擬陶徵君潛田居

薄田寄南山耕種越阡陌意在芟榛荆荷鋤亦
自適嶺日啣半規餘暉忽已夕疎樹遠若林燈
火近出隙衡門可栖遲濁酒慰勞役充飢貴稼
穡禦寒在紡績農隙更讀書此外非所益

擬謝臨川靈運遊山

日入朝復升月盈輪還缺二曜自天懸山川由
地設峰斷嵐氣橫林壑愈奇絕石瀨聲如吟溪
光澄以徹東西嶺遙明落景與初晰倚松獨徘徊

徊屬目心寥汰怪石見乃奇密林忽相蔽懸崖
瀑布飛聯珠垂沙汭山盡水亦窮吾意竟何逝
斷霞赤若華片雲白如雪舒嘯登蘇門探奇尋
禹穴山接水復連漁火夕明滅御風下崆峒乘
槎到海滙獨立萬仞岡幽意向誰說

擬顏特進延之侍宴

四海滙千流九州分萬縣二氣感化生古今異
聞見方此聖明時寶芝獻玉殿萬樹搖春風落
花如香霰籠鳥效人言園山亦葱蒨俯仰情共

宜卷舒雲時變忝列簪筆臣蒙恩賜瓊宴曲水
繞丹墀杯流滿芳甸記瑞鳳凰來叅與龍馬見
花牋寫奇文錦屏映華弁自愧蒲柳姿謬蒙天
垂眄一命即爲榮清班誠非賤欽哉都俞言重
于盈尺瑱欲效野人心微芹安可薦

擬謝法曹惠連贈別

朝發泛煙渚夕晏泊水汭舟未離故鄉已作千
里別宵燈照愁人有淚徒沾袂船中增曉寒船
外積夜雪雪積舟未行起坐動離思世事已如

昨相見未有期古人銷魂語今日良不疑去去
忽隔歲枯草春露滋露滋發蘭若遲日光的鏤
路遇新相知焉問厚與薄義氣貴相投千金輕
一諾轉面兩心違生死安可託託意孰殷勤池
塘夢草人偶上維揚閣還臨大海濱他鄉愁自
解興言爲良辰山林有隱者樽肴爲我陳陳酒
慰客勞扳歡話遊遨客心念舊里鶴鳴戀九臯
珥筆遠遊宦踟躕正鬱陶願得雙魚寄尺素逾
瓊瑤

擬王徵君徵養疾

良辰偶起坐抱病苦無滋未覩春芳茂忽聞秋
鵝悲西風日蕭索落葉任滿墀瞻彼清夜月空
照讀書帷擁衾養心性安用難磷緇藥餌復何
效金丹邈難期聊爾開匣笥歆枕吟舊詩

擬袁太尉淑從駕

太極兩儀闢地黃而天元

音懸

南郊方肅祭誠敬

祈堯年羣臣從清蹕鑾輿涉平川彩仗連野簇
華燈接漢懸承運登大寶神武定江山旗幟鳥

驚木金鼓魚沉淵碧海瞻鵬起黃道紀星纏飄
緲歌隨舞悠揚管與絃較功長傳世稱德永奉
天神廟享俎豆移惠頒下筵何自周武後今得
仰聖前微臣非獨紀還當四海宣

擬謝光祿莊郊遊

策馬遊原野喬松覆郊陰遠樹煙渺渺秋水晝
沉沉下馬觀魚躍芙蓉媚清潄攬轡遵古道林
間落葉深已窮清澗曲還上白雲岑平看鴻雁
度靜聽山水音霜葉紅如錦秋菊黃于金衆山

明返照獨樹洽賞心非云長適意聊脫塵務侵
擬鮑參軍昭戎行

聞雞攬衣起窗含明月光驅車遵往路回首望
故鄉朝日升東海征衣猶帶霜偶遇村中叟招
食糠粃漿前途無大道九曲似羊腸叢條難仰
視覆肩晝蒼蒼出林馳曠野屬目觀大荒臨流
徒羨魚策馬過橋梁日暮倚長劒四顧空自傷
征人無定止安得問行藏

擬休上人怨別

黯然銷魂日遠別心悠哉良朋辭我去未識何
時來感此出戶待簷下獨徘徊花徑久不掃石
室爲誰開引領望天末披襟上層臺迴風吹廣
陌馬足起塵埃所見非所親何以慰離懷

咏懷

中宵不能寐起坐攬衣裳明月照窗戶流光及
我牀清景動遐思耿耿夜何長懷念生百慮車
輪轉中腸腸轉不能已出牖自徬徨雄雞尚司
晨良馬解垂繯衰老復何補感歎獨憂傷

敬一堂詩鈔卷一

敬一堂詩鈔卷二

混同顧八代文起著

長白高 斌東軒輯

七言古詩

雪夜讀易

寒林夜靜鳥啼歇
堦除影暗落新月
院中四望起同雲
入房忽見盆梅發
梅發香動夜氣清
益我中宵讀書情
讀書能使心常潔
一卷未終蘭膏滅
卧視虛白更生明
起讀文言映窗雪

順治己亥養傷施家樓少瘳漫興因題西

壁

天生虎士金鐵身等閒弓力稱千觔渥洼龍馬
人莫馭聳身馳騁隨奔騰仰承父爵得榮蔭少
年肄業歸成均却從雍中拔扈蹕荷戈擗管兼
其能讀書爲樂不爲苦朝搜暮討如謀生時際
天南猶逞焰廟廊謀算當專征兜鍪一着不回
顧飄然萬里隨行旌帝王僞僭兵莫計一日鏖
戰嘗三巡飛蝗箭鏃槍擊電蛟龍怒鬪天吳驚

窮魚擲浪自奮鬣呼號聲迅搖山林手被流矢
肩被銃髀骨被礮瘡如鱗枕屍飲血一不死天
陰暗哭來青燐青燐不能解我痛安得靜僻調
參苓人言施家樓子好煙籠竹木花續芬一乘
軟榻痛減半窗明几靜無纖塵且將弧矢暫韜
戢閑翻未了之殘經吁嗟乎此身荷天如不死
終平定國取滇城

俠客行

磨得青萍三尺劒光抽秋水驚流電昨夜人從

他郡來傳說豪富欺貧賤田宅全收不復云子
奴女婢歸文券合郡之人空歎嗟無人敢訟向
州縣俠客聞此髮衝冠寶劒出匣清光寒翻身
一躍如飛去須臾千里不知處以劒按頸足蹋
身盡將子女各歸親不道姓名忽不見卻笑古
俠有紅線

玉樹後庭花曲

庭樹風搖月影斜轉覺無花勝有花從來四海
無定主昨日梁家今陳家陳家處處芳草綠庭

樹美人皆如玉古來亡國色幾多豈獨後庭花
一曲

老女怨歌行

落葉無聲逐水流蛩聲切切空房愁忽聞隣家
機杼聲自言未嫁已白頭聞夫爲人廝養馬年
年牧馬長山下山下秋草山上雲一馬銜草忽
失群阿壻逐馬日已遠一去十年猶未返

銓部郎潛

一官仍從舊繩牀豈醉隣家酒甕旁廐有瘦馬

峻嶒骨爐飄清煙柏子香有人求官衆皆唯彼
富云懼顧文起以友爲介餽千金辭之且云有
天理冢宰對公比青天明日議官六堂前衆人
一議余一議對公顧余意愕然長揖進白餽金
事非爲偏執有同異對公獨決從吾言吾亦不
憚衆所忌

秦王劒子歌

蚩尤當日留神劒飛入滄波久無見祖龍一旦
并九州有客欣將劒子現秦王開匣數稱奇持

視一揮光如電驅石填海石不行人人心恨莫
敢怨獨持神劍將石驅硨磲飛行轉流汗一石
遷延不肯行一劍劃然成兩片石盡劍飛歸劉
郎一奮雄揮收禹甸

紀事

吳王三桂不軌或曰叛或曰否廷議莫
決遣使闕焉執政舉公公未發聞人持
簡喜而報曰有吳駙馬遣人密送黃金
四十馱公無他言但命左右將闕人帶

至門外杖二十於是乎其人驚駭返命
吳駙馬隨將黃金盡獻執政索公索公
遣人邀公相晤婉言滇中之事公正色
曰不可索公憾焉隨奏公性偏執恐事
泄無濟也請以某易之聞者皆驚異公
獨大悅且曰此使者而無生歸之日矣
使者果爲三桂所殺索公惡公愈甚逮
蟒鎮南被困奏公叅贊以爲必死不知
公佐鎮南立功伐而施囊箐也

觀天之象彗星現已知滇南吳逆變絹纏使軀
萬里馳十有三日達金殿

聖主

選將將點兵將軍五路各南征我師深入賊勢

衆鎮南

蟒將軍

被困梧州城梧州告急翼書貫相

言

索公惡公欲投之死地

軍務須叅贊奏余突圍事戎行

豈知囊籌能撥亂賊兵出沒行人稀幸賴奇門

遲速機

行速則賊至自公後行遲則賊已過公前數類此皆能避也

單騎直

至梧城下是日救援已解圍却訝書生三寸舌

北關上書授符節獨統諸軍爲阿誰撫蠻將軍傳

敬一堂詩鈔

卷二

言古詩

五

洪烈會軍畫策計已窮無謀無勇豈成功數言
蟒公應急奏備陳兵謀請留守特蒙

聖主鑒其忱倘彼敗北可援救撫蠻師出錢行時執
手數語定歸期麾下諸將誰多智十四萬兵陳
背水吳逆侄孫曰世琮一戰撫蠻喪千里昨日
吾方且饗殮今迎撫蠻奉一樽三日敗軍始遇
飯主將吞聲不能言軍中事變豈能隱翼書飛
報祈

聖訓

特命鎮南取滇池一日三捷恢數郡

梧州

撫蠻傅大將軍率諸軍進取滇南時鎮南將軍蟒公獨奏留守梧郡撫蠻師出公送其行曰吾備饗殮待將軍三月而至也愕然而別且謂鎮南曰吾爲叅贊知無不言梧城乃廣西咽喉賊衆我寡吾視撫蠻軍行旗幟紊亂隊伍不整雖率十萬之衆恐未足以禦敵也倘其不

利以吾二千孤軍守彈丸之地計將安
出不如早爲預備守城之策鎮南曰善
隨密令修理濠塹砲臺地雷戰艘晝夜
靡寧裨將士卒以撫蠻師在外不宜預
備苦累兵力衆怨沸騰獨鎮南堅信不
疑事甫竣而撫蠻敗績僞將軍吳世琮
率輕騎五萬人陷柳州等數十城直抵
梧州城下因旣有備賊數攻不利隨解
去

歲暮復潛至
仍失意而去

烽煙夜舉羣山赤莽莽鴟鵂叫雲日嗟彼妖氛
吳世琮橫驅百萬吹蛇風嗚呼撫蠻旣失策百
粵相將虧半壁賸有蒼梧控制東危墟四困城
孤立此時將士肝膽傾一人當百不顧生還將
舟列三江口招搖遙蕩爲疑兵解去重來當除
夕欲拔天幟換僞旌不知機動地雷發砰鉤決
裂天地驚智窮能索無足慮世琮更復解圍去

盤江

僞將世琮智且悍渡江迎戰越山半我軍亦在

兩山間從來制勝在多算更番錯綜正與奇變
幻不使鬼神知已有潛軍軍其後來攻一戰定
雄雌短兵相接奪其壘世琮智盡自刎死一驅
敗北江流紅五萬賊兵喪背水

蟒鎮南寢疾

蟒公智仁嚴勇信持節平滇肅行陣前軍飛報
非敵來巨蟒橫途阻前進兩端不見腰長舒卧
地橫高三尺餘命士尋首深草裏對顯挽弓射
貫矢挺腰一躍二丈高萬馬驚奔蟒墜苑將軍

忠誠超世才明日癘疽病於顙四方醫治藥無
效百身莫贖良堪哀忽聞天樂奏空外入戶覆
牀雲藹藹俄頃西北隕將星從此伊人隔重冥
三軍號呼聲不斷千里民來哭公靈人哭人弔
朝復夕日堆紙錢如山積報

國兵謀在眼前回首音容已如昔

綏遠大將軍賴公至

賴君奉

命繼蟒君新授綏遠大將軍諸將率吏迎百里道

左下馬馬成羣叅謀非傲禮宜近城外設帳迎
相問因與衆人有異同執手將軍色微愠吾與
賴公屬姻親兩心隔絕若路人平漠從何先制
勝百問諸將無一應公顧左右云奈何衆稱叅
謀計可定明日乘驂出城垣忽聞將軍造吾門
把臂談心非問計但將舊事與閒論語默分襟
日西匿公乘駿騎誠難得公欲贈余余固辭但
云其肥良可食公回竟殺騎送吾吾視尋常付
於廚我心暗識將軍意詰朝懷圖往投刺將軍

問策盡屏人吾指西北滇方位公曰胡乃向崐
崙吾出與圖審與言將軍恍然始大悟從計發
兵分十路實分三軍取滇南奇正隨時八陣布
滇中之事正相猜營門報有吳人來吾向公云
行間至呼入長髮滿面埃自言前奉內院使有
書繫腰藏鞋裏剖鞋拆看數封書賊情如覩公
心喜公視諸將氣頗昂平生所學惟智囊才高
受言決策速轉使敵人成心腹經過無不壺漿
迎服人原不在殺戮未發一矢下數城乃知書

生不可輕

擒馬寶斬胡國柱及王緒

諸軍畫策薄滇池城高池深勢未危猶有強兵
爲內應況多狡寇外相持相持馬寶胡國柱胡
如紆綽馬如虎王緒裨將屬下流統連十萬揚
威武此時衆議何紛紛羣讓綏遠大將軍將軍
問計將安出吾意先除外援賊外援一滅城勢
孤犄角無憑守不得并力齊攻三路兵一以當
百不顧生出其不意如破竹死尸可憐遍野橫

馬寶就擒國柱死王緒敗填溝壑裏一時十萬
化爲塵血流半染昆明水乘勝先取銀錠山擊
破滇城反掌間

衡湘行

靄靄衡山雲浩浩湘江水衡湘咫尺無分離雲
水相交同生死衡雲高高忽飛去化作當年巫
峽雨巫峽朝雨暮傾盆馬上征人暗銷魂望夫
山下千秋淚惟有叢竹染遺痕

四寶吟

蒙恬之筆蔡倫紙松煙成墨法易水古硯出自
端溪泥鸚眼青花馬肝紫四品惟宜讀書人水
乳之交如表裏文房之寶古所稱我今置之宋
時凡人生之樂喜且良况書古聖先賢美寄語
羊羔美酒徒一生捨爾空自鄙

一穗三岐行

聖皇臨天下歲歲慶有秋何況一穗三岐出一歲豐
登數歲收耕田鑿井唐虞叟南北東西風馬牛
天地無親眷有道長生嘉穗夫何憂

春夜同人小集有感

玉漏聲沉斗柄南
絲竹聲澁酒半酣
搖階花露濕珠履
明月懸空人倚闌
春光夜色動幽意
白雲墜天花落地
幾日少年已白頭
人生一世忽如寄
卻看羣公興未闌
避席出戶獨長歎

盧龍秋夕幽興

月明山空萬象潔
遙浦漁火時明滅
長空嘹亮一雁聲
仰觀但見孤雲綴
此時心與太虛閒
行歌商頌自怡悅
人生一世若飄塵
行藏何須論

優劣豈效磬折千世榮但能抱朴獨守拙目前
富貴奚足稱千秋不死方爲傑光陰如矢難可
留三五輪滿四五缺請看西崖隱半規千峰萬
壑轉奇絕

憶白雲山居

白雲山上千株樹鶯啼清曉迷春霧遊人坐石
澹忘歸何日移居此山住住山久擬洗孤清淹
留日日白髮生歸歟歸歟又空話白雲山水正
怡情怡情花鳥如邀客布襪青鞋亦堪樂白雲

深處無塵蹤惟有清風滿巖壑一自弱冠遊不
到白雲五十秋夢裏林泉何清致月明山空水
自流

狂歌

閉門高隱

帝城東不是輪蹄路不通白眼看人人多惡潛心讀
易理難窮坐中上客城門叟膝下斑衣兒成翁
春賞桃李秋賞菊夏扇扇枕冬爐烘甕畔醉眠
不知月竹裏堂清豈借風獨立中庭了無事澄

卷一 言金 卷二
心矯首觀太空

偶感

晚節高眠任君情
奚奴豈知避公卿
隆中卧龍苦知遇
漢陰抱甕轉遺名
金人不語休緘口
銅駝爲像豈能行
射鵰健兒偏斯老
卸舟仙客自輕生
讀書萬卷愚更甚
誤向人間偶一鳴

夜雨

一絲兩絲黃昏雨
入夜斜風吹入戶
窗外驟然如盆傾
忽如刀斷絕無聲
斯須靜中漸復作
檐

溜浙瀝芭蕉鳴愁腸暗轉車輪動欲眠不眠難
成夢長夜厭厭百慮興雨中起坐對孤燈

醉歌

堂中兒女列佳筵鎮日歡繞膝之前數樽暢飲
清與濁菜羹味澹魚羹鮮仲夏北窗清風逸一
院榴花暎西日望後四朝夜一更東方皎皎月
華明此時小阮獨未醉月中高唱蹋歌聲老夫
厭聽華封祝惟願家庭長和睦

垂老

守拙人稱虎頭翁移山之志似愚公知音不見
琴已碎炊爨一任燒蜀桐蜀桐燒盡復何惜煉
石補天杳無跡人生安得挺千秋未能百歲已
白頭頭白心灰賴一杖有時志在雲霄上顧影
自笑僂僂軀看花不比少年賞但將藥餌補餘
生何用更求身後名

丁亥十二月四日作

去年今朝產曾孫縱飲一斗即酩酊几筵所列
惟陶器束脩麥飯焉用鼎老夫敬枕心所歡一

醉三朝始爲醒五子儀儼侃僂僖長孫清儀子

琮

儼子

曾孫

璵

侃子

璠

侃子

珽

儼次子此時僖尚無子是

以珽暫養於僖後十年生子而珽仍歸仲房

更有諸孫二十人目前

楚楚珠玉等人生總樂無百年芳名當與天地

並

敬一堂詩鈔卷二